

levissime dilatato, cuneo valde declivi, latitudine brevior, incisura fracturae profunda; membrana biareolata, areola minore minuta, majore lata, angulo apicali interiore obtuse angulata. Xyphus prosterni triangularis, lateribus versus apicem tenuiter marginatis. Mesosternum breve, apicem versus vix altius. Orificia metastethii bene distincta, marginata. Coxae anticae medium mesosterni attingentes, posticae ab epipleuris hemelytrorum sat longe remotae. Pedes breviusculi, femoribus linearibus, tibiis muticis, tarsis articulo tertio duobus primis simul sumtis aequae longo. Terebra feminae longa.

Generi *Charagochilus* Fieb. sat affinis.

Cyrtocapsidea nebulosa n. sp. (Fig. 11).

Fusco-ferruginea, superne et inferne squamulis nitentibus albis in nebulas collocatis; clypeo, pronoto callis maculisque tribus pone eas, scutello disco nigricanti-fuscis; corio fere dimidio apicali, cuneo angulo interiore apiceque pallidis, subflaventibus; membrana dilute fumata, venis pallidis, areolis fasciaeque irregulari mox infra medium hyalinis, apice areolae majoris fumato; antennis pallide flaventibus, articulo primo toto, secundo annulo angusto sub-basali et $\frac{2}{5}$ apicalibus, tertio fere $\frac{2}{3}$ apicalibus quartoque nigris vel nigro-fuscis, articulo secundo primo fere triplo longiore; femoribus fusco-ferrugineis, apice nigro-fuscis, tibiis pallide flaventibus, basi nigro-fusca, apice cum tarsis fusco; area orificiorum metastethii alba. Long. $2\frac{1}{2}$ mm.

Carácas d. 13 julii, unicum specimen.

24. *Zosippus* Dist., Biol. Centr.-am. p. 241 (ut genus divisionis *Miraria*).¹⁾

Corpus elongatum, medio constrictum, superne opacum, dense pubescens et longe pilosum. Caput nutans; apice pro-

¹⁾ Ab amico Bergroth (Wien Ent. Zeit., XVII, p. 35) false in divisionem *Pilophoraria* relatus, ab hac aroliis divaricatis lorisque capitis latis, inferne haud discretis, a div. *Myrmecoraria* structura capitis, labro tenui, pronoto punctato divergens.